

ATXILOKETA. 1998ko apirilean egin zuen ihes Bergaratik, Guardia Zibilaren sarekada baten ondotik

Alemaniko Poliziak Paulo Elkoro atxilotu du, ETArekin lotuta, Nurembergen

Auzitegi Nazionalak estradizioa eskatu du, atentatu bategatik auzipetua dagoelako

Erredakzioa | DONOSTIA

Paulo Elkoro 29 urteko bergarra atxilotu zuen Alemaniako Polizia Federalak Nurembergen joan den astearte gauean. Espainiako Auzitegi Nazionalak estradizioa eskatzeko prozedura abiatu zuen atzo bertan.

Etiket irten berria zela atxilotu zuten Paulo Elkoro. Atxilotetaren unean agiri faltsuak zeramatzala adierazi zuten polizi iturriek, eta armarik ez zeramala. Atxilotetaren ondoren Elkoroaren bizilekua miatu zuten polizi federalak, eta ordenagailu bat eta inprimagailu bat eramaten zuten etxetik.

Paulo Elkororen egoeraz eta atxilotuta daukaten lekuaz familiak batere informaziorik ez

duela salatu zuen Askatasunak ohar baten bidez. Jose Luis Elkoro Herri Batasuneko Mahai Nazionalako kide ohiaren semea da Paulo Elkoro.

1998ko apirilaren 19an egin zuen ihes Elkorok, Guardia Zibilak Bergaran, Antzuolan eta Gasteizen egindako polizi operazioaren ondoren. Orduan atxilotutako 11 lagunek torturak salatu zituztela gogoratu du Askatasunak. Atxilotu haien artean ziren Aitor Bores eta Iñaki Gartzes, ETAko *Araba komandoa* osatzea leporatuta espetxeratuak.

Teresa Palacios Auzitegi Nazionalako epaileak 1999ko martxoan auzipetu zuen Elkoro, eta haren aurkako bilatze eta atxilotze agindua eman. 1997ko


MIAKETA

Agiri faltsuak zeramatzan, armarik ez, eta etxetik ordenagailu bat eta inprimagailu bat eramane zizkion Poliziak

maiatzaren 5ean ETAko *Araba komandoa* Arakako base militarren aurka egindako atentatu lagundu izana leporatzen dio epaileak.

Espainiako polizi iturriek atzo zabaldu zuten, Europako hainbat herritako enbaxadetara eta zenbait bidaiaria agentziatarara ETArekin izenean gutunak bidaltzearekin zerikusia du Elkorok. Espainiako turismo guneetan atentatuak egiteko asmoaz ohartarazten zuten ETAk eskutitz haietan.

Alemanian ez ezik Frantzian ere egin berri diren atxiloteten-



Paulo Elkoro.

gatik pozik agertu zen Angel Acebes Espainiako Barne ministroa, atzo Iruñean. Atxiloteta hauekin «nazioarteko lankidetzatik» atentatuak eragotzi dituztela nabarmendu zuen.

Manifestazioa Bergaran

Bergaran manifestazioa egin zuten atzo iluntzean berrehun bat lagunek Paulo Elkororen atxiloteta gaitzesteko. Gaur iluntzeko zortzietarako ere manifestazioa egitekoak dira, herriko plazatik abiatuta, eta Bergarako ikastetxeetan greba deialdia egin dute gaurko.

ASKATASUNA

Lorentxa Gimonen osasunaz kezkatuta agertu dira

Askatasuna kezkatutik dago herenegun Oloruetik hurbil atxilotu zuten Lorentxa Gimonen osasunaz. Crohn gaitza dauka. Eritasun kroniko sendaezin hori hesteetako gaitza da, baina gorputzeko bertze organo batzuk ere hunki ditzake, hala nola gibelak eta begiak. Askatasuna are kezkatuago dago, azken atxilotetetan Poliziak «bortizki» jokatu duelako. Bestalde, prentsa iturri batzuek zabaldu informazioaren arabera, Gimonek zenbait hilabeteko haurra zeukan berekin atxilotu zuten etxean. Auzo batzuen adierazpenetan oinarritu ziren horren errateko.

Ismael Berasategi eta Lorentxa Gimonek Paueko polizia etxean ziren atzo artean. Baionako Polizia Judiziala ari da bi atxilotuen galdekatzen.

ADINGABEAK. Guardia Zibilak epaileari aurkeztutako txosten baten arabera, gaztea «bergizarteratu» gabe dago oraindik

Urko Arroyo gasteiztarra adingabeentzako zentroan sartu dute berriro

Ainhoa Gutierrez | GASTEIZ

Urko Arroyo gasteiztarra Los Rosales adingabeentzako zentroan sartu zuten atzo, Espainiako Auzitegi Nazionalako Adingabeentzako epaileak hala erabaki ostean.

2001eko apirilaren 28an atxilotu zuen Guardia Zibilak gaztea, Oier Gomez Mielgo gasteiztarrekin batera. 2002ko ekainaren 29an, aldiz, Arroyo aske utzi zuten, Madroño adingabeentzako zentroan urtebete eta bi hilabete egin ondoren.

Zigorren erdia beteta utzi zuten aske, zaintzapean. Hala, zazpi hilabete egin ditu gazteak zentroatik at. Epaileak ezarritako zigor osoa betetzeko, bi hilabete inguru falta zaizkio, beraz.

Espainiako Auzitegi Nazionalako Adingabeentzako epaileak atzo erabakitakoaren arabera, bi hilabete horiek adingabeentzako zentroan igaro beharko ditu Arroyok. Gerorako, gainera, hiru urterako zaintzapeko askatasuna eza-

ri dio epaileak; hiru urte horietan Guardia Zibilaren egoitzara joan beharko du hamabostero, sinatzera.

Guardia Zibilak Arroyoren inguruko txosten bat aurkeztu zuen. Txosten horretan, besteak beste, Madroño adingabeentzako zentroan izan ondotik gaztea oraindik «bergizarteratu» gabe dagoela leporatu zaio. Haatik, «ezker abertzalearen inguruan lanean jarraitzea» egotzi dio Guardia Zibilak.

Fiskalak Guardia Zibilaren txostena onartu zuen; ondorioz, gaztea Espainiako Auzitegi Nazionalako Adingabeentzako Epaitegian agertzeko eskatu zuen.

«Ideiak epaitu nahia» salatu dute

Gaztearen abokatu Iker Urbina EGUNKARIARI adierazi zionenez, Arroyok epailearen aurrean erantzuteari uko egin zion. Hala, atzoko agerraldiaren bidez, «ideiak epaitu nahia» egotzi zion epaileari. Era berean,



RAUL BOGAJO / ARGAZKI PRESS

Atzo eguerdian manifestazioa egin zuten Gasteizen, Urko Arroyori elkartasuna adierazteko.

ideiak «aldatzeko» asmorik ez zuela berretsi zuen Arroyok. «Antzerki horretan ez dut parte hartuko», gaineratu zuen gasteiztarrek.

Iker Urbina abokatuak argudiatu zuen fiskalak oinarritzat hartu duen txostenean Arroyori delitutzat har daitekeen ezer ez zaiola leporatzen.

Gasteizko amnistiaren alde-

ko mugimenduak deituta, manifestazioa egin zuten atzo eguerdian, Arroyori elkartasuna adierazteko. Ehun lagun inguru bildu ziren Andra Mari Zuriaren plazan. *Euskal gazteria defendatu dezagun, epaiketa arrotzik ez!* leloa hartuta, manifestariak euskal gazteriaren egoera salatu zuten. Amaieran, Arroyoren eta euskal gaz-

teriaren aldeko manifestua irakurri zuten. «Lege faxistak eta muntaia polizialak» salatu zituzten.

Horrez gain, Gasteizko amnistiaren aldeko mugimenduak deituta, bilera informatiboa egin zuten atzo, eta manifestazioa ere bai iluntzean, hirurogeita hamar lagunnen parte-hartzearekin.